



Նոր

ՃՐԱԳ



Ե.Տարի : Թիւ 2

Եռամսեայ թերթիկ
ԱՊՐԻԼ 2019

Հրատարակութեամբ
Հ.Մ.Ը.Մ. Ալմելո Մեկուսի շրջանի վարչութիւն



Միրելի Հանրէնակիցներ



Ինչպէս տեղեակ էք Ալմելոյի ՀՄԸՄ-ի նորակարոյց շէնքի ծրագիրը
հասած է իր վերջի հանգրուանին:

Շուտով սկսելու են շինարարութեան աշխատանքները:

Աշխատանքներ որուն անհրաժեշտ է բոլորիս նիւթական
ներդրումը:

Այս օրերուն կարող էք ակնկալել մեր դրամահաւաքի հանձնախմբի
այցելութիւնը կամ հերիտսային կայքը:

Նայել Կարող էք ձեր նիւթական փոխանցումները կատարել ներքեւ
յիշեալ պանքային հաշուին:

NL83 RABO 0335 3683 01 (BIC/SWIFT: RABONL2U) t.n.v. Stichting
Homenetmen

Betalingskenmerk: Donatie Nieuwbouw Homenetmen

Կանկալենք ձեր սրտաբոլիս աջակցութիւնը եւ նուիրատութիւնը:

Voor meer informatie zie de flyer: [https://
stichtinghomenetmen.nl/.../2.../02/18/flyer-for-funding/](https://stichtinghomenetmen.nl/.../2.../02/18/flyer-for-funding/)

Meer over het project zie:

<https://stichtinghomenetmen.nl/.../project-bouw-van-accommod.../>

Meer over de stichting zie:

<https://stichtinghomenetmen.nl/index.php/over-ons/>



**ՀՄԸՄ-ի Կեդրոնական Վարչութեան Ատենապետ Գառնիկ
Մկրտիչեանի Խօսքը՝ ՀՄԸՄ-ի Հիմնադրութեան
100-ամեակի Տօնակատարութեան**



February 12, 2019 5:36 AM

100 տարի առաջ, երբ ՀՄԸՄ-ի՝ Հայ մարմնակրթական ընդհանուր միութեան հիմնադիրները Պոլսոյ մէջ հիմը կը դնէին հայ իրականութեան մարզական եւ սկստութեան մեծագոյն միութեան, դժուար թէ կարենային երեւակայել, որ 100 տարի ետք իրենց հիմնած միութիւնը աշխարհով մէկ 100-ամեակ պիտի տօնէր պետական, ազգային եւ ժողովրդային մեծ շուքով:

100 տարի առաջ որբերու ինամբով եւ դաստիարակութեամբ զբաղող միութեան հիմնադիրները դժուար թէ երեւակայէին, որ 100 տարի ետք իրենց յաջորդները պիտի զբաղէին որբացած գաղութներով եւ անոնց հայապահպանման կարիքներով:

100 տարի առաջ Պոլսոյ եւ արուարձաններուն մէջ քանի մը մասնաճիւղով գործող այս միութեան հիմնադիրները դժուար թէ երեւակայէին, որ 100 տարի ետք իրենց սիրելի միութիւնը համահայկական իր կառոյցով պիտի գործէր աշխարհի 110 քաղաքներուն մէջ՝ աւելի քան 25 հազար երկսեռ անդամներով, մարզական եւ սկստութեան առոյգ շարքերով:

100 տարին երկար ժամանակ է մարդու մը կեանքին համար, սակայն կա՛րճ, շա՛տ կարճ ժամանակ է ազգային հաւաքականութեան մը համար, սովահար, գաղթական եւ որբացած սերունդներէ միտքով ու մարմնով առողջ, ազգային իրենց ինքնութեամբ հպարտ եւ արժանապատիւ սերունդներ կերտելու համար:

Ու զարմանալի բան չկայ ասոր մէջ, որովհետեւ՝

Սովորական միութիւն մը չեղաւ ՀՄԸՄ:

Սովորական պայմաններու մէջ չգործեց ՀՄԸՄ:

ՀՄԸՄ ծնաւ Հայոց ցեղասպանութեան արհաւիրքին ընդմէջէն:

Իր առաջին քայլերը առաւ նորակախ Հայաստանի Հանրապետութեան առաջին օրերուն, երբ ազգ ու հայրենիք կը դիմագրաւէին տեսակաւոր մարտահրաւերներ: Հազիւ երկու տարեկան՝ ՀՄԸՄ հեռացաւ, աւելի ճիշդ՝ հեռացուեցաւ իր հարազատ բնօրրանէն: Դարձաւ սփիւռք եւ ուղիղ 69 տարի գործեց առանց հայրենի հողի՝ սփիւռքեան իր կեդրոններէն իւրաքանչիւրը վերածելով հայրենի հողի մէկական կտորի:

ՀՄԸՄ գործեց առանց պետական հովանիի: Ընդհակառակն, պատահեցաւ, որ ան հալածուեցաւ, ու մերժուեցաւ իր իսկ սեփական հայրենիքին մէջ: Ան հալածուեցաւ նաեւ Հայաստանէն դուրս, Բ. Աշխարհամարտի տարիներուն, երբ ազգային արժէքներ հարուածող ուժեր փակեցին ՀՄԸՄ-ի արեւելեան Եւրոպայի՝ Ռումանիոյ եւ Պոլկարիոյ 19 մասնաճիւղերը, տասնեակներով ձերբակալութիւններ կատարեցին, հաւատաւորները Սիպերիա աքսորեցին եւ մինչեւ նահատակութեան դափնեպսակին արժանացուցին զանոնք:



ՀՄԸՄ ծանր գին վճարեց ազատ ու անկախ հայրենիքի գաղափար-
ակիրը ըլլալուն համար:

Մփիւքի մէջ ան երբեք դիւրին պայմաններու մէջ չգործեց:

ՀՄԸՄ մարգախաղեր կիրարկեց՝ առանց մարգադաշտ ունենալու:

ՀՄԸՄ սկաուտութիւն կազմակերպեց՝ առանց անհրաժեշտ յարմարութիւններ
ունենալու:

Բայց ՀՄԸՄ գործեց եւ շա՛տ լաւ գործեց, որովհետեւ կամաւոր բանակի
սկզբունքով անոր անդամներէն իւրաքանչիւրը իր միտքն ու բազուկը ի սպաս դրաւ
հաւաքականին, ազգին ու հայրենիքին:



ՀՄԸՄ հայրենիք վերադարձաւ 1989-ին, երբ տակաւին Հայաստան չէր
անկախացած: Ան գործեց տազնապալի պայմաններու մէջ: Գործեց դարաբաղեան
պատերազմահՄԸՄ գործեց, մեծցաւ, ուռճացաւ եւ հզօրացաւ՝ բացառաբար
ապաւինելով իր անդամներու կամաւոր աշխատանքի գիտակցութեան,
պատրաստակամութեան եւ գոհողութեան ոգիին:

Այսպէս է, որ քանի մը մասնաճիւղերը դարձան քանի մը տասնեակ
մասնաճիւղեր, մասնաճիւղերը վերածուեցան շրջաններու, շրջանները՝
համագաղութային կառոյցի, իսկ համագաղութային կառոյցն ալ՝ համահայկական
կազմակերպութեան, որ այսօր իր հովանիին տակ կը համախմբէ աշխարհի 26
շրջաններէ 110 մասնաճիւղեր եւ միաւորներ:

ՀՄԸՄ գործեց ամէնուրեք: Գործեց բոլորի՛ն համար: Բոլորի՛ն հետ:

Ճիշդ է, որ ՀՄԸՄ 69 տարի գործեց հայրենիքէն դուրս, բայց երբեք՝ առանց
հայրենիքի:

Ու երբ պահը հասաւ, 69 տարուան վտարանդիութենէ ետք, ՀՄԸՄ վերադարձաւ հայրենիք՝ աշխարհասփիւռ իր անդամները կապելով կեդրոնին, արմատի՛ն, ուրկէ անոնք կը ստանան իրենց գոյատեւման շունչն ու աւիշը:

Ի, տնտեսական շրջափակման եւ քաղաքական ամէնէն աննպաստ պայմաններու մէջ՝ բաժնեկցելով իր հարազատ ժողովուրդին դժուարութիւններն ու մտահոգութիւնները:

Դժուարութիւնները, սակայն, փորձառութիւն ներշնչեցին ՀՄԸՄ-ին, փորձառութիւնը՝ տոկոսնութիւն եւ յաւելեալ իմաստութիւն: Այսպէս, ՀՄԸՄ ունեցաւ դարաբաղեան պատերազմի իր նահատակները, մասնակից դարձաւ նոր Հայաստանի կերտման ճիգերուն: Կրթեց ու դաստիարակեց սերունդներ՝ անոնցմէ պատրաստելով օրինապահ քաղաքացիներ եւ հայրենիքի զինուորագրեալներ:

ՀՄԸՄ գործեց անաղմուկ: Գործեց խոր հաւատքով եւ աննկուն կամքով՝ իրեն գերագոյն արժէք ունենալով պետականութիւնը, գերիշխանութիւնը, ընկերային արդարութիւնը եւ ազգային պահանջատիրութիւնը:

ՀՄԸՄ գործեց իբրեւ Հայաստանի ազգային սկաուտական կազմակերպութիւն, ՀՄԸՄ-ՀԱՄԿ, որ Հայաստանի արժանաւոր ներկայացուցիչը եղաւ Համաշխարհային սկաուտական շարժումի պիւրոյին մէջ՝ միաժամանակ հիմնադիր եւ գործադիր անդամ ըլլալով սկաուտական եւրասիական բաժանմունքին:

Հայրենիքը կիզակէտը հանդիսացաւ ՀՄԸՄ-ի գործունէութեան: Կիզակէտին շուրջ հիւսուեցաւ անտեսանելի թելերով իրարու կապուած գործունէութիւն մը, որ իրարու կապեց Պուէնոս Այրեսն ու Քուէթթը, Մոսկուան եւ Պէյրութը, Միւնիխն ու Հալէպը, Կլենտէյլն ու Մոնրէալը, Սիտնին եւ Գահիրէն: Թելերու շարքը կարելի է երկարել եւ թուել բազմատասնեակ այլ քաղաքներ եւս, ուր մարմնակրթական այս միութիւնը 100 տարիէ լծուած է մարդակերտման եւ հայակերտման վեհ աշխատանքի՝ կարելի բոլոր միջոցներով ու անկարելիութեան սահմանները հասնող, աներեւակայելի եռանդով, խանդով ու կամքով:

Այսօր աղամանդեայ յոբելեանի տօնակատարութեան պահին է:

Պահն է յիշելու եւ խոնարհելու յիշատակին դիմաց բոլոր այն ՀՄԸՄ-ականներուն, որոնք անցնող մէկ դարուն եկան ու անցան այս միութենէն՝ իրենց հետքն ու դրոշմը ձգելով անպայման:

Պահն է յիշելու եւ խոնարհելու յիշատակին դիմաց այն բոլոր հաւատաւորներուն, որոնք անցնող 100 տարիներուն այս աշխարհէն մեկնեցան ազատ մարդու եւ անկախ հայրենիքի երազը իրենց աչքերուն:

Պահն է յիշելու եւ խոնարհելու դիմացը այն կակուղ թաթիկին, մեր այսօրուան նորահաս սկաուտին, որ այսօր ՀՄԸՄ-ի շարքերուն մէջ իր առաջին թոթովանքին հետ կը սորվի ազգի ծառայութիւն եւ հայրենիքի հաւատարմութիւն:

Պահն է, վերջապէս, յիշելու եւ խոնարհելու դիմացը այն մարզիկին կամ մարզիկուհիին, որ իր յաղթանակներով ազգային խանդավառութիւն եւ հպարտութիւն կը ներշնչէ օրէ օր հայութենէ պարպուող հայ մարդոց:

Ապրի՛ք, տղաք ու աղջիկներ:

Ապրի՛ք եւ ձեզմո՛ւ վ ապրի ՀՄԸՄ-ը, 100-ամեայ վաստակով, բայց միշտ երիտասարդ ու կայտառ կազմակերպութեամբ, միշտ աշխուժ եւ նորարար իր շարքերով:

Յարգելի՛ ներկաներ,

ՀՄԸՄ-ի Լիբանանի Շրջանային վարչութեան յոբելենական այս հանդիսութեամբ իրենց աւարտին կը հասնին միութեան աշխարհասփիւռ մասնաճիւղերուն 100-ամեակի ձեռնարկները: Այլ խօսքով, 100-ամեակի տօնակատարութիւններուն եզրափակումն է, որ այսօր կը կատարուի այս սրահին մէջ՝ բարձր հովանաւորութեամբ եւ ներկայութեամբ Մեծի Տանն Կիլիկիոյ Արամ Ա. կաթողիկոսին:

Ու պատահական չէ, որ 100-ամեակի եզրափակիչ տօնակատարութեան եզրափակիչ խօսքն ալ վերապահուած է մեր սիրելի վեհափառ հօր, որ 100-ամեակի Հայաստանի կեդրոնական ձեռնարկները հովանաւորեց, 100-ամեակի կոնդակ շնորհեց եւ այսօր, ահաւասի՛կ, իր ներկայութեամբ եւ քիչ ետք արտասանելիք հայրապետական պատգամով միութեան առաջին 100-ամեակի էջը պիտի փակէ եւ երկրորդ էջը պիտի բանայ:

Շատերու խոստովանութեամբ, Արամ Վեհափառ ՀՄԸՄ-ականէ մը աւելի լաւ գիտէ ՀՄԸՄ-ը: ՀՄԸՄ-ականէ մը աւելի լաւ կը խօսի ՀՄԸՄ-ի մասին եւ ՀՄԸՄ-ականէ մը աւելի նախանձախնդիր է ՀՄԸՄ-ի դերակատարութեան եւ առաքելութեան անշեղ կերպով շարունակման: Վեհափառ հօր պատգամները, քաջալերանքները, երբեմն նաեւ տեղին նկատողութիւնները բաց սրտով կ'ընդունուին բոլորիս կողմէ, որովհետեւ անոնք կը բխին հոգիէն ու մտքէն Հայ եկեղեցւոյ արժանաւոր հայրապետէ մը, որուն բովանդակ կեանքը՝ Լիբանանի հայոց թեմի առաջնորդական ծառայութենէն մինչեւ կաթողիկոսութեան տարիներ, շաղկապուեցաւ ՀՄԸՄ-ին հետ: Վեհափառ հօր քարոզներով ու կոնդակներով այս միութիւնը ապրեցաւ իր 70-ամեակը, 80-ամեակը, 90-ամեակն ու 100-ամեակը:

Վեհափառ տէր, մեր սրտագին մաղթանքն է, որ այդ յոբելեանները շարունակուին անվերջ, եւ ձեր պատգամները միշտ հնչեն՝ իբրեւ ուղեցոյց ներկայ եւ գալիք սերունդներուն:

Անշուշտ, յոբելեանները միջոցներ են միութեան մը կեանքը արժեւորելու եւ ոչ թէ նպատակ են անոր գոյութիւնը փառաբանելու համար:

100-ամեակ տօնել Լիբանանի շրջանին մէջ՝ կը նշանակէ ըստ այնմ արժեւորել նաեւ շրջանին դերն ու վաստակը միութեան կեանքին մէջ:

ՀՄԸՄ Լիբանանի մէջ ունի 95 տարուան կեանք, սակայն անոր դերն ու վաստակը երբեք չի սահմանափակուիր տարիներու այդ թիւով միայն: Այս շրջանին կատարած մարդակերտումի եւ հայակերտումի աշխատանքը անգնահատելի է:

Լիբանանի շրջանի 10 մասնաճիւղերը իրենց մարզական փայլուն յաջողութիւններով եւ սկաուտական օրինակելի գործունէութեամբ ազգային ոգի եւ նկարագիր տուած են հազարաւոր տղոց եւ աղջիկներու:

Լիբանանի շրջանի յաջողութիւնները ազգային խանդավառութիւն եւ հպարտութիւն պարգեւած են ո՛չ միայն լիբանանահայութեան, այլեւ՝ աշխարհասփիւռ հայութեան, որոնք մինչեւ այսօր անհամբեր կը հետեւին այս շրջանի միութենական նուաճումներուն:

Տակաւին, առանց մոռնալու այն փաստը, որ այս շրջանէն սփիւռքեան այլ շրջաններ եւ Հայաստան մեկնած ՀՄԸՄ-ական քոյրերն ու եղբայրներն են, որոնք այսօր կենսունակ կը պահեն միութեան աշխարհասփիւռ բազմաթիւ մասնաճիւղերը: ՀՄԸՄ-ի Լիբանանի շրջանը ունի ոսկեայ պատմութիւն՝ ֆուրպոլի իր անկրկնելի դէմքերով, պասքէթպոլի աստղերով, փինկ-փոնկի, աթլետի եւ հեծելարշաւի աննման



ախոյեաններով: Այս շրջանը ունի նաեւ սկաուտական հպարտաբեր պատմութիւն, որ կրնայ ուսանելի ըլլալ միութեան բոլոր շրջաններուն եւ ընդհանրապէս հայ սկաուտութեամբ հետաքրքրուողներուն համար:

Չենք կրնար չիշել նաեւ վարչական ամենօրեայ մաշեցուցիչ աշխատանք կատարողները, սեւ աշխատանքի ախոյեանները, առանց որոնց՝ մասնաճիւղերը կանգուն պիտի չմնային, միութեան կառոյցը պիտի չմեծնար եւ պիտի չգօրանար:

Վարձքը կատար բոլորին:

100-ամեակի իր նշանաբանին հաւատարիմ՝ ՀՄԸՄ, այսօր, պատուաբեր անցեալէն կ'ուղղուի յաղթական ապագայ:

Մենք լաւատես ենք մեր միութեան ապագայով ու ապագայի մեր յաղթանակներով: Մեր լաւատեսութիւնը բարի ցանկութիւններէ չի բխիր սակայն, այլ՝ մեր աշխատանքէն, կամքէն եւ համոզումէն, միշտ երիտասարդութեան ի սպաս գործելու մեր պատրաստակամութենէն, հայութեան եւ Հայաստանին անմնացորդ ծառայելու մեր երդումէն:

Զմոռնանք, որ մեր ժողովուրդը ՀՄԸՄ-ին տուած է «Կամաւոր բանակ»-ի կոչում եւ պարտականութիւն:

Այդ կոչումն ու պարտականութիւնը մեզի կը թելադրեն միշտ զգօն ու պատրաստ ըլլալ՝ դիմագրաւելու համար մեր ժողովուրդին սպառնացող ամէն տեսակի մարտահրաւերները: Ի վերջոյ, մեր կեանքը, սփիւռք թէ հայրենիք, հայապահպանման համար մղուող մէկ մեծ պատերազմ է: ՀՄԸՄ կամաւոր այն բանակն է, որ այդ մեծ պատերազմը փոքր-փոքր կռիւներով, մասնաճիւղ առ մասնաճիւղ կը մղէ երկիրէ երկիր, շրջանէ շրջան: Ի՛նչ փոյթ, եթէ ան տեղ-տեղ կռիւր կը կորսնցնէ: Կարեւորը մեծ պատերազմը չկորսնցնելն է: Կարեւորը հայապահպանման գրահները գետին չդնելն է:

Այլապէս, ՀՄԸՄ-ը յաղթանակներու միութիւնն է:

Փա՛ռք 100-ամեայ ՀՄԸՄ-ին:

Բի՛ւր յարգանք ՀՄԸՄ-ի պատուաբեր անցեալը կերտած անցեալի նուիրեալներուն:

Պատի՛ւ այսօր պատնէշի վրայ կանգնած սերունդին, որ 100-ամեակի ջահը ձեռքին՝ կը խոստանայ զայն առաջնորդել դէպի յաղթական ապագայ,

Դէպի միացեալ հայութեամբ,

Միացեալ, արդար ու հզօր Հայաստան:





ZAALVOETBAL KWB

Հ.Մ.Ը.Մ. Ալմելո Մեկուսի Շրջանի սրահի ոտնագնդակի Ա.Խումբի (K.N.V.B) ԹԻՎԵՆԹԱ շրջանի 2018-19 տարեշրջանի Բ.Կարգի մրցաշարային նախորդ եռամսեայ մրցումներու արդիւնքները.-

- I. Homentmen vs voorwaarts (4-6)
- II. Homentmen vs FC Almelo (4-10)
- III. Homentmen vs Lzvv/msml (4-8)
- IV. Homentmen vs Heeten (4-8)
- V. Heeten vs Homentmen (7-3)



Հ.Մ.Ը.Մ. Ալմելո Մեկուսի Շրջան մարզական յանձնախումբի կազմակերպութեամբ , տեղի ունեցաւ Կիրակի 16 Մարտ 2019Թ.ին. Միութեանս սրահին մէջ Սեղանի Թենիս (ping pong)-ի մրցաշար : Մրցաշարը աւարտուեցաւ Եղբ. Արարատ Յովհաննիսեանի առաջնութեամբ:






Հովանաւորութեամբ Հ.Մ.Ը.Մ. Կեդրոնական Վարչութեան , կազմակերպութեամբ Հ.Մ.Ը.Մ. Ալմելո Մեկուսի Շրջանի սկաուտական խմբապետական կազմի . Կիրակի3 , Մարտ 2019Թ. Կեսօրէ ետք ժամը 13:00Ին Ալմելո-ի Ս.Գրիգոր Լուսաւորիչ Եկեղեցւոյ Գալուստ Կուլպենկեան սրահին մէջ տեղի ունեցաւ ՀԱՅ ՄԿԱՌԻՏԻ օրուայ շքեղ տօնակատարութիւն:



Նախապէս ըստ սկաուտական խմբապետական կազմի ծրագրուած ուխտաշխատանքին , Շաբաթ 2 .Մարտ 2019Թ.ին միութեանս սկաուտները զբաղուեցան Ալմելո-ի Ս.Գ.Լ.Եկեղեցւոյ մաքրութեան աշխատանքներով:





Կիրակի3 , Մարտ 2019Թ.ին միութեանս սկաուտները օրուայ պատարագի մասնակցելէ ետք խանդավառ կատարողութեամբ Եկեղեցւոյ (Գրիգոր Լուսաւորիչ) սրահին մէջ տօնակատարեցին Հայ Սկաուտի օրուայ նախապատրաստուած ձեռնարկը:



Օրուայ ձեռնարկին արտասանուեցաւ սկաուտական ազգասիրական ներշնչող արտասանութիւններ: Հոն ցուցադրուեցաւ նաեւ սկաուտական խաղեր եւ նրանց կիրակնօրեայ հանդիպումներու ժամանակի տարուած աշխատանքները:

Գնահատելի էր շփումը սկաուտների եւ ձեռնարկի ներկաներու միջեւ:



Միութենական

Երիտասարդներու ժողով

23-02-2019 Ալմէլօ

Վարչութեան հրաւերով տեղի ունեցաւ միութեանս երիտասարդներու ժողովը միութեանս սրահէն ներս:

Ժողովին մասնակցեցին 18-30 տարեկան միութենականներ եւ ներկայացրին իրենց պատկերացումները ապագայ մարզական, սկաուտական եւ կազմակերպական կեանքի մասին:

Երիտասարդները քննարկեցին նաեւ զաղուրներէն ներս ազգային ինքնութեան պահպանման դժուարութիւններն ու առաջարկուած լուծումները:

Ժողովի աւարտին երիտասարդները ընտրեցին (Եղբ. Րաֆֆի Թերզեան, Եղբ. Յակոբ Քասաբեան եւ Եղբ. Հովիկ Մովսէսեան) իրենց ներկայացուցիչները մասնակցելու Հ.Մ.Ը.Մ.ի Երիտասարդական Ա. Համագումարին որտեղի պիտի ունենայ 10 եւ 11 Մայիս 2019ին, Աթէնքի մէջ, Յունաստան:





24 Մարտ 2019 Թ.ին Միութեանս սրահի ոտնագնդակի խումբը եւ խումբ մը սկաուտականներ մաս կազմեցին Հ.Մ.Ը.Մ. Ալքմառ Մեկուսի Շրջանի կազմակերպած մարզահանդեսին:

Սկաուտական կազմը մաս կազմեց մարզահանդեսի դրօշակի եւ բացման արարողութեան :
Լուսանկարներ.-





HOMENETMEN LONDON Հ.Մ.Ը.Մ. ԼՈՆԴՈՆ

Հ.Մ.Ը.Մ.ի

Եւրոպայի Ատենապետներու Դ. Ժողով

(23 Մարտ 2019 - Լոնտոն)



2019 ՄԱՐՏ ի 22-24 ին, տեղի ունեցաւ ՀՄԸՄ Եւրոպայի
ատենապետներու Դ.Ժողով, կազմակերպութեամբ ՀՄԸՄ ԼՈՆՏՈՆ Ի Մեկուսի
Շրջանին:

Ժողովը ղեկավարեց ՀՄԸՄ Կ.Վ.ատենապետ եղբայր Գառնիկ Մկրտչեան
ներկայութեամբ ՀՄԸՄ Կ.Վ. անդամ եղբայր Ալեք Խաչատրեանը:

Ներկայ էին ՀՄԸՄ եւրոպայի երկիրներու Մեկուսի Շրջաններու
ատենապետները, Շուէտից , Գերմանիայից, Ֆրանսայից, Ավսթրիայից,
Իսրայէլից, Բուլ գարեայից եւ Անգլիայից:





HOMENETMEN LONDON Հ.Մ.Ը.Մ. ԼՈՆԴՈՆ

Հ.Մ.Ը.Մ.ի

Եւրոպայի Ատենապետներու Դ. Ժողով

(23 Մարտ 2019 - Լոնտոն)



Իսկ Հոլանտայից ներկայ էին Ալմելոյի մեկուսի շրջանի ատենապետ եղբ Մինաս Արսէնեանը եւ ատենադպիր եղբ Մեւան Գորգիսեան , եւ Արնհեմի մեկուսի շրջանի Ատենապետ եղբ Լիպարիտ Սիմոնեանը:

Ժողովուկաները քննարկեցին համահոմենթմենական եւ ի մասնաւորի եւրոպայի մէջ դիմագրաւելիք մարտահրաւերները:

Ժողովի աւարտին ՀՄԸՄ Լոնտոնի մասնաճիւղը նշեց իր 40 ամեակը, կազմակերպելով շքեղ տօնակատարութիւն



Նոր Տարուայ եւ Մ. Ծննդեան տօներու առթիւ Հնտանեկան պարահանդէս

Նոր տարուայ եւ Մ. Ծննդեան տօներու առթիւ միութեանս վարչութիւնը, Ճորճ Սարգիսեանի եւ Նուր նուագախումբի մասնակցութեամբ. Հոլանտական Հենկլօ քաղաքին մէջ կազմակերպեց շքեղ ընտանեկան պարահանդէս: Լուսանկարներ.-





ԲՈՎԱՆԴԱԿՈՒԹԻՒՆ

- ⇒ Կոչ
- ⇒ ՀՍՀՄ-ի Կեդրոնական Վարչության Ատենապետ Գառնիկ Մկրտիչեանի Խօսքը՝ ՀՍՀՄ-ի Հիմնադրութեան 100-ամեակի Տօնակատարութեան...
- ⇒ Մարզական (Սրահի ոտնագնդակի)
- ⇒ Մարզական (Սեղանի թենիս «ping pong»)
- ⇒ Սկաուտական (ՀԱՅ ՄԿԱՌԻՏԻ ՕԸ)
- ⇒ Միութենական (Երիտասարդներու ժողով)
- ⇒ Միութենական (Հ.Մ.Ը.Մ. Ալքմառ Մեկուսի Շրջանի մարզահանդէս)
- ⇒ Միութենական (ՀՍՀՄ Եւրոպայի ատենապետներու Դ.ժողով)
- ⇒ Միութենական (Ընտանեկան պարահանդէս)
- ⇒ Բովանդակութիւն

Հասցէ . Adres : welgelegen 8 . 7608 JZ - Almelo

Կայք էջ . Website : homenetmenalmelo@yahoo.nl

Facebook : Homenetmen Almelo / ՀՍՀՄ Ալմելօ

Առաջարկներու համար կը խնդրուի կապ հաստատել homenetmenalmelo@yahoo.nl ուլ